

## المحور الاول

## تحليل وفهم الدرس الاول

اول حاجة ف المنهج هناخد العالم فريد هيرت ده عالم اثار يدرس الماضي عن طريق التنقيب و الملاحظة (ركز ف ال بالاحمر و ال عامل تحته خط لانه بيتجي اختر ف الامتحان تمام)

البرامج (التطبيقات) التي يستخدمها :- ركز فيها وانت عارفها من سنة 4 هفكرك بيها ثاني

معالج الكلمات WORD في كتابة التقارير

الجدول الحسابية EXCEL في اعداد الرسوم البيانية

العروض التقديمية POWERPOINT لعرض نتائج ابحاثه في شكل شرايح سهلة القراءة

البريد الالكتروني E-MAIL للتواصل بشكل رسمي مع المؤسسات و كدة (سؤال امتحان)

يستخدم الرسائل الورقية ايضاً و أحياناً يسلم المستندات شخصياً

التعليم و التدريب (اعرف ال جاي دوول متركزش عليهم اووي)

تقديم المعرفة والتمرين من الاشخاص ذوي الخبرة للآخرين في موضوع ما ( بيتجي اختر)

تعتبر طريقة رائعة لنقل المعرفة و المهارات (بيتجي اختر)

تساعد الآخرين علي التعامل مع المشكلات و التقدم بشكل اسرع

طرق التواصل لتبادل المعلومات؟؟ ايه هي طرق التواصل دي هتعرفها دلوقتي

المقابلات المباشرة دي بيفضلها فريد هيرت للتواصل وجهاً لوجه و صعبة ينفذها ليه؟؟ لان اكيد

الشخص ال هيقابله المسافة بينه و بين الشخص ده بعيدة يعني في بلدان مختلفة ( سؤال امتحان)

الاجتماعات الافتراضية (مؤتمرات الفيديو) دي ثاني حاجة من طرق التواصل يعني بيشفوفوا بعض فيديو

و بيتواصلوا مع بعض و ممكن بيعتوا لبعض مستندات و كدة زي برامج انت عارفها بس ركز فيهم علشان

بيجوا اختر برده عندك مثلاً برنامج زووم ZOOM و برنامج واتس اب WHATSAPP ركز ف

الاثنين دوول بس بس اكيد ف صعوبة برده ف مواعيد الاجتماعات ليه؟؟ علشان فرق التوقيت بين الدول

مشاركة المعلومات و دي آخر حاجة ف الدرس حابك تعرفها يعني ايه المثال ال ف الواقع مثلاً بتوصلنا

معلومات ك فيديوهات او دروس او كورسات مثلاً نسمعها هتقولي قنوات اليوتيوب هقولك صح تمام اهو

في قناة بقي معروفة من وزارة التربية و التعليم موجودة ع ال YOUTUBE و عال TV اسمها

مدرستنا اعرفها علشان سؤال اختر و انت اكيد عارفها

تحليل اهم اسئلة امتحانات ع الدرس الاول

**\*\*** فريد هيرت هو عالم ..... يدرس الماضي من خلال الملاحظة و التنقيب

كيمياء

فيزياء

انار

**\*\*** يستخدم برنامج ..... لكتابة التقارير و الملاحظات و الابحاث

معالج الكلمات WORD

المعادلات الحسابية EXCEL

POWERPOINT

**##** اكيد الاجابة للكتابة محتاجين ال بيعالج الكلمات ال هو ال WORD اما المعادلات الحسابية EXCEL للجداول الحسابية و بنكتب فيها معادلات و بنعمل رسم بياني اما ال POWERPOINT للشرائح و العروض التقديمية علشان تكون سهلة للقراءة بطريقة تعتمد علي الحركة و المؤثرات الصوتية

**\*\*** لتنظيم او عقد اجتماعات افتراضية يتم استخدام برنامج .....

**زووم ZOOM / واتس WHATSAPP** فيس بوك FACEBOOK انستجرام INSTAGRAM

**##** اكيد برنامج زووم ZOOM و واتس اب WHATSAPP بنعمل فيديوهات و الناس بتتجمع و في جروبات كمان و بيشفوا بعض و كل حاجة لايف LIVE يعني كانك ع الهواء بالظبط اما ال فيس بوك FACEBOOK وال انستجرام INSTAGRAM دي للتواصل الاجتماعي بس مش مخصصين لكدة

**\*\*** كان فريد يقوم بتواصل مع فريقه بارسال رسائل تحتوي ع مرفقات بواسطة .....

معالج الكلمات WORD

البريد الالكتروني E-MAIL

فيس بوك FACEBOOK

**##** البريد الالكتروني E-MAIL كل واحد عنده ايميل بيعت للثاني رسالة بيتواصلوا مع بعض يعني و ممكن يرفعوا ملفات ال هي مرفقات يعني مع الرسالة زي صورة او مستند او حتي فيديو اي حاجة يعني اما فيس بوك FACEBOOK وسيلة تواصل اجتماعي و معالج الكلمات WORD للكتابة

**\*\*** يستخدم برنامج ..... لعرض النتائج في شكل شرائح و عروض تقديمية ممتعة

العروض التقديمية POWERPOINT المعادلات الحسابية EXCEL البريد الالكتروني EMAIL

**##** في كلمة عروض تقديمية ف السؤال و موجودة ف الاجابة اخترها ع طول POWERPOINT

**\*\*** يمكنك استخدام ..... للتواصل مع المؤسسات بشكل رسمي

بت BIT

البلوتوث

البريد الالكتروني

**##** البريد الالكتروني اكيد ال هو ال EMAIL ده للتواصل اما البلوتوث جهاز ارسال و استقبال و ال بت BIT اصغر وحدة تخزين بيانات

**\*\*** برنامج لاعداد الرسوم البيانية و ابجدية البيانات .....

POWERPOINT

EXCEL

WORD

**##** EXCEL جداول حسابية و رسوم بيانية اما ال WORD لكتابة اي حاجة و ال POWERPOINT للشرائح و العروض التقديمية

**\*\*** طريقة سريعة و رائعة لنقل المعرفة و المهارات .....

البحث و الاستكشاف

التعليم و التدريب

الاتصال و المشاركة

**\*\*** تمثل قناة ..... فرصة للتلاميذ لمشاهدة الدروس متي شاءوا

السويس

النيل

مدرستنا

**\*\*** تنظيم مواعيد الاجتماعات الافتراضية امر ..... بسبب فرق التوقيت بين البلدان المختلفة

صعب

غير ضروري

سهل

**##** اكيد صعب لان التوقيت مختلف عن كل دولة و الثانية و لازم يظبطوا وقت علشان يجتمعوا فالفيديو تمام

**\*\*** التعليم و التدريب هو تقديم المعرفة من احد الاشخاص ..... للآخرين

محدودي الخبرة

غير المتخصصين

ذوي الخبرة

**##** اكيد ال عندهم خبرة مش غير متخصصين و لا خبرتهم قليلة ده مش سؤال صح و لا اي؟؟

تحليل اهم اسئلة امتحانات الدرس الاول لغات

**\*\* Mr (Fred Hiebert) uses the ..... processor program to write reports.**  
**\*\* العالم فريد هيبيرت استخدم برنامج معالجة ..... لكتابة التقارير**

Word

Excel

PowerPoint

**## ال Word برنامج Processor Program معالج الكلمات يستخدم للكتابة اما ال Excel**  
**SpreadSheet الجداول الحسابة يستخدم لاعداد الرسوم البيانية to prepare graphs اما ال**  
**PowerPoint برنامج العروض التقديمية Presentation Program**

**\*\* Fred Hiebert is an .....**  
**\*\* فريد هيبيرت هو عالم .....**

biologist

scientist

archaeologist

**## عالم اثار archaeologist اما ال scientist عالم و ال biologist احيائي**

**\*\* ..... is a program used to prepare presentation**  
**\*\* ..... برنامج يستخدم لاعداد العروض التقديمية**

PowerPoint

Word

Excel

**## طالما فيه ف السؤال presentation اختر powerpoint ولما تلاقي graphs او**  
**spreadsheets اختر excel و لما تلاقي process program to write بقي اي حاجة اختر**  
**word**

**\*\* ..... that represents data in the form of a graph in different formats**  
**\*\* ..... يعرض البيانات في شكل رسم بياني بتنسيقات مختلفة**

Excel Program

Word Program

Paint

**## قولتلك اول ما تلاقي graph رسم بياني او spreadsheets جداول حسابية اختر Excel اما ال**  
**Word لما تلاقي Process Program to write كذا يعني برنامج معالجة لكتابة كذا وال paint**  
**رسم للرسم**

\*\* we can use ..... To learn about a lesson  
\*\* نستخدم ..... لتعلم الدرس

Braille

E-commerce

YouTube

## نتعلم الدرس اكد ع قناة عال يوتيوب YouTube اما Braille دي للمكفوفين لضعاف البصر  
يعني بتساعدهم ع القراءة و ال E-commerce التجارة الالكترونية للتسوق عبر الانترنت بيع وشراء

تحليل و فهم الدرس الثاني

هناخذ ف الدرس ده الادوات الملحقة بجهاز الكمبيوتر ال بنوصلها به و مهمة جداً ركزلي عليها علشان اسئلة امتحانات اكيد و مش هيخرج منها الامتحان و مشكالات الكمبيوتر و حلها و هسهلك كل حاجة بس ركز ع ال بالاحمر بس و هتشوف الاسئلة و انت هتفهم ان شاء الله

**\*\* ذاكرة الفلاش Flash Memory** الفلاشة انت عارفها زي كارت الميموري كدة بس دي حجمها اكبر منه شوية بتعمل ايه دي او بنستخدمها ليه اكيد بنحط عليها حجات بيقى **لتخزين البيانات** بس كدة

**\*\* محرك القرص الصلب الخارجي External Hard Drive** ثواني ثواني كدة ده خارجي هو في داخلي هقولك اه اكيد طالما ف خارجي مش محتاجة ذكاء يعني بس الداخلي ده بيبقي جوة الجهاز انما الخارجي ده بتروح به في كل مكان زي الفلاشة كدة و بيتوصل بالجهاز بكابل كدة سلك يعني بس ده بقي **اسرع في نسخ و نقل البيانات عن الفلاشة و حجمه اكبر منها بكثير حلو كدة**

**\*\* واجهة الوسائط المتعددة عالية الوضوح HDMI** دي وصلة كدة بتنتقل الصوت و الصوت من الجهاز الي الجهاز الاخر و العكس يعني ممكن نشغل اللاب توب ع شاشة كبيرة عادي جداً **لما تلاقي جملة وصلة بتنتقل الصوت و الصورة اختر واجهة الوسائط المتعددة عالية الوضوح HDMI**

**\*\* الراوتر (جهاز التوجيه) ال ROUTER** كلكم عارفين الراوتر بنشغل من خلاله النت تمام و ده بقي بيبقي طالع منه سلوك او ممكن تشغله عن طريق شبكة ال WIFI فيبقى **جهاز يربط جهاز الكمبيوتر بالانترنت عن طريق ال WIFI او سلك الالترنت (سلك الالترنت ده سلك النت يعني من الجهاز للراوتر) لما تلاقي جملة جهاز يربط جهاز الكمبيوتر بالانترنت اختر راوتر ع طول**

**\*\* منفذ الالترنت Ethernet Port** من اسمه **منفذ الالترنت يعني ده مكان ال بنوصل فيه سلك النت ال هو سلك الالترنت يعني بس ده اكثر استقراراً و اسرع من الوصلات اللاسلكية** اسرع من نت من غير سلك **لما يقولك يتصل به سلك الالترنت و اسرع و اكثر استقراراً اختر منفذ الالترنت Ethernet port**

**\*\* سلك الالترنت Ethernet Cable** احنا عرفنا كل حاجة كدة ده سلك ال يربط بين الجهاز و الراوتر بيبقي سلك يربط جهاز الكمبيوتر او الكمبيوتر المحمول بجهاز التوجيه (الراوتر) **لما تلاقي سلك اختر سلك الالترنت ع طول Ethernet Cable**

وحدات القياس :-

دي وحدات قياس سعة البيانات يعني اي ملف موجود عندك ع الجهاز له مساحة معينة ودي وحدة قياسها اصغر وحدة بيانات اسمها **البت bit** تمام كدة بعدها بقي ال اكبر منها ع طول اسمها **البايت = 8 بت** يعني البايت الواحد فيه **8 بت** عندك مثلاً كلمة (محمد) كل حرف يساوي **1 بايت** بيبقي احنا بنحتاج كام بايت بيبقي **4** علشان 4 حروف و هكذا لو هديك اي كلمة كل حرف = **1 بايت** (السؤال ف الامتحان هيقولك مثلاً اصغر وحدة بيانات اختر بت bit و سؤال ثاني يجيب لك كلمة و يقولك محتاجة كام بايت بيبقي تعد الحروف و تقول عددهم زي ما عملنا فالكلمة ال فوق تمام كدة)

باقي وحدات التخزين البيانات : كل وحدة فالباقيين = **1024** تمام

يعني **الكيلو بايت = 1024 بايت** | **الميجا بايت = 1024 كيلو بايت** | **الجيغا بايت = 1024 ميجا بايت** |

التيرابايت = 1024 جيجا بايت

( اعرف كل واحدة بتساوي الثانية = 1024 و خلاص ما عدا البايت = 8 بت و بس كدة تمام )

وحدة قياس سرعة الشبكة او الاتصال بشبكة الانترنت هي الميجا بايت في الثانية Mbps و كلما زودت سرعة الشبكة كان النت اسرع و افضل تمام

وحدة قياس سرعة المعالج هي الجيجا هرتز GHz وحدة قياس عدد الدورات التي تنفذها وحدة المعالجة المركزية في الثانية (وحدة المعالجة المركزية ال CPU ال بتعالج البيانات) كلما زودت عدد الدورات يعني زودت السرعة يعني للمعالج كان معالجة البيانات بقت اسرع

المشكلات بقي :-

مشكلة في معالجة الملفات الكبيرة مثل ملف عرض تقديمي حجمه كبير  
السبب : طالما هو كبير يبقى ممكن يكون مفيش مساحة كافية له يبقى عدم وجود مساحة تخزين كافية له  
الحل : غلق بعض البرامج من ع الجهاز (نقل باقي البرامج علشان ده يحمل و يتوفر مساحة له)

مشكلة في اتصال ضعيف في الشبكة اثناء مؤتمر فيديو او عدم القدرة علي تنزيل ملفات كبيرة من الانترنت  
السبب : يبقى النت بطيء و ده تلاقيه اتصال لا سلكي من غير سلك علشان السلك اسرع قولنا يبقى  
السبب هو اتصال لا سلكي بالانترنت ضعيف و بطيء  
الحل : محاولة الاتصال بالشبكة السلكية السريعة بسلك نت يعني و الاتصال بمزود الخدمة ISP (للمساعدة) ال موصلنا النت يعني الفرع الشركة يعني

مشكلة عدم القدرة علي تخزين ملفات  
السبب : مفيش مساحة يبقى المساحة غير كافية علشان كدة مش عارفين نخزن ملفات ع الجهاز  
الحل : يبقى ننقل بعض الملفات القديمة الي محرك اقراص خارجي (هارد) او ذاكرة الفلاش (فلاشة)

مشكلة الانترنت المنزلي لا يعمل  
السبب : انقطاع الاتصال بالانترنت  
الحل : استخدام الايثرنت (شبكة نت بسلك نت سريع يعني) او الاتصال بمزود الخدمة ISP (للمساعدة)

يلا بينا نركز ع اهم اسئلة الامتحانات و تكفي للدرس ده و هتلاقىها اكيد ف الامتحان وش ان شاء الله

اهم اسئلة الامتحانات علي الدرس الثاني

\*\* من الادوات الملحقة بجهاز الكمبيوتر .....

كل ما سبق

القرص الصلب الخارجي

ذاكرة الفلاش

## دول ادوات بنوصلها بجهاز الكمبيوتر و بنخزن عليهم بيانات (ذاكر الفلاش ال هي الفلاشة و القرص الصلب الخارجي ال هو الهارد يعني )

\*\* تعتبر اصغر وحدة من وحدات القياس لجهاز الكمبيوتر .....

التيرابايت Terabyte

البت Bit

البايت Byte

## البايت byte = 8 بت دي اكبر من البت bit والتيرا بايت اكبر وحدة فيهم كلهم يبقي اصغر وحدة بت

\*\* ..... هو سلك يربط بين جهاز الكمبيوتر او الكمبيوتر المحمول بجهاز التوجيه او الراوتر

سلك الايثرنت

الراوتر

محرك القرص الصلب الخارجي

## طالما قال سلك فاول التعريف يبقي تختار سلك الايثرنت ع طول انما الراوتر ازاي و هيكون سلك و بعدين موجود ف السؤال فالآخر يبقي نختاره ازاي انما محرك القرص الصلب الخارجي ده للتخزين ملهوش علاقة

\*\* وحدة قياس تستخدم لقياس سرعة الشبكة او الاتصال بشبكة الانترنت .....

البايت Byte

جيجا هرتز GHz

ميغا بايت في الثانية Mbps

## علشان تفرق بين سرعة الشبكة و عدد الدورات للمعالج و تفرق بين ميغا بايت في الثانية و جيجا هرتز هقولك انا سرعة النت هتكون في الثانية اختر ميغا بايت في الثانية انما جيجا هرتز فيها كلمة هرتز و دي لقياس عدد الدورات عمثاً تمام كدة انما ال بايت دي وحدة قياس سعة تخزين بيانات

\*\* ..... وحدة لقياس عدد الدورات التي تنفذها وحدة المعالجة المركزية في الثانية الواحدة

جيجا هرتز GHz

منفذ الايثرنت

الجيجا بايت Giga Byte

## فرق بين الجيجا بايت والجيجا هرتز (هرتز دورات - بايت بيانات) اما منفذ الايثرنت مكان للسلك النت



\*\* ..... هو جهاز يربط جهاز الكمبيوتر بالانترنت بواسطة الواي فاي WIFI او سلك الايثرنت

منفذ الايثرنت      سلك الايثرنت      جهاز التوجيه او الراوتر

## اكد طالما جهاز يبقي راوتر انما منفذ الايثرنت مكان لسلك الايثرنت

\*\* ميغا بايت (mega byte) = 1024 .....

كيلو بايت KB      جيجا بايت GB      تيرا بايت TB

## بص اعر فهم كدة التيرا = 1024 جيجا و الجيجا = 1024 ميغا و الميجا = 1024 كيلو تمام كدة

\*\* ..... هو سلك ينقل الصوت و الصورة من الاجهزة و اليها

ذاكر الفلاش      منفذ الايثرنت      واجهة الوسائط المتعددة عالية الوضوح

## سلك ينقل الصوت و الصورة يبقي HDMI انما منفذ الايثرنت ده مكان لسلك النت و ذاكرة الفلاش للتخزين البيانات

\*\* يعتبر الاتصال عن طريق ..... اكثر استقراراً و اسرع من الوصلات اللاسلكية

الراوتر      منفذ الايثرنت      ذاكرة الفلاش

## منفذ الايثرنت اكد يعني بسلك النت مش نت لا سلكي زي الراوتر انما ذاكرة الفلاش لتخزين البيانات

\*\* وحدة قياس جيجا بايت هي .....

1024 كيلو بايت      1024 بايت      1024 ميجا بايت

\*\* قد تعود مشكلة عدم القدرة علي تخزين الملفات الي .....

انقطاع الاتصال      المساحة غير كافية      ضعف وبطء الانترنت

## مش عارف تخزن ملفات اكد مفيش مساحة انما ايه علاقة انقطاع النت و ضعف و بطء ده للانترنت

\*\* وحدة قياس التيرا بايت هي .....

1024 MB      1024 جيجا بايت      1024 كيلوبايت

\*\* كلمة مصر تتشكل من ثلاثة احرف فكم بايت نحتاجها لتخزينها في النظام .....

3 بايت      4 بايت      5 بايت

\*\* كل حرف = 1 بايت    م = 1 بايت    ص = 1 بايت    ر = 1 بايت    يبقوا 3    تمام كدة

\*\* لتخزين المعلومات و مشاركتها نستخدم .....

الطابعة      الماسح الضوئي      ذاكرة الفلاش

## الطابعة لطباع الورق بتخرج لنا ورق انما الماسح الضوئي عكسها بيدخل ورق للجهاز انما بقي لتخزين البيانات يبقى ذاكرة الفلاش ال هي الفلاشة

\*\* ..... مثل محرك القرص الثابت ولكنه اسرع

الراوتر      منفذ الايثرنت      محرك القرص الصلب الخارجي

## محرك القرص الخارجي اسرع من الثابت ال هو الداخلي في نقل البيانات و كدة اما باقي الاختيارات ملهاش علاقة بتخزين البيانات

\*\* الميجا بايت في الثانية هي وحدة قياس ..... الاتصال بشبكة الانترنت

قوة      بطء      سرعة

\*\* سلك الايثرنت يربط جهاز الكمبيوتر بجهاز .....

الراوتر      الكمبيوتر المحمول      الكهرباء  
## اكيد بالراوتر يعني هيكون مثلاً جهاز كمبيوتر بكمبيوتر محمول ال هو لاب توب اكيد مينفعش

\*\* الكيلو بايت (KiloByte) (KB) = .....    1024 بت    1000 بايت    1024 بايت

تحليل اهم اسئلة امتحانات عالدرس الثاني لغات

\*\* An Ethernet Cable transmits audio and video to and from devices (X)

\*\* سلك الايثرنت ينقل الصوت و الصورة من والي الاجهزة (خطأ)

\*\* ده ال HDMI واجهة الوسائط المتعددة عالية الوضوح مش ال Ethernet Cable سلك الايثرنت

\*\* Kilo Byte = ..... Byte

\*\* الكيلو بايت = ..... بايت

8

1024

1000

## اتفقنا نعرفهم كدة ال TB=1024 GB,GB=1024 MB,MB=1024 KB, KB=1024  
BYTE اما ال 8 BIT

\*\* A device that connects a computer to the internet via Wi-Fi is .....

\*\* جهاز يربط جهاز الكمبيوتر بالانترنت من خلال ال Wi-Fi هو .....

HDD

Router

Flash Memory

## طالما ف DEVICE و WIFI اختر ROUTER ع طول تمام انما الباقي TO STORE  
DATA تخزين البيانات

\*\* One of the accessories that you can use to save your files securely is .....

\*\* احد الاجهزة الملحقة تجعلك تستطيع ان تحفظ ملفاتك بامان .....

external hard disk

drone

camera

## اكيد القرص الصلب الخارجي ال هو ال external hard disk لتخزين الملفات to store files  
انما الكاميرا camera لالتقاط الصور و تسجيل الفيديوهات اما ال drone مروحة بدون طيار لالتقاط  
الصور برده

\*\* Albit is the smallest storage unit to store data (✓)

\*\* البت اصغر وحدة قياس لتخزين البيانات (صح)

(X) Giga Byte = 1204 Kilo Byte \*\* الجيجا بايت = 1204 كيلو بايت (خطأ)

تحليل و فهم الدرس الثالث

هناخذ الشبكات طب يعني ايه شبكة ؟؟ هقولك انت مثلاً ابوك و امك و اختك و اخوك و عائلتك كلها مرتبطين ببعض و مشتركين مع بعض في كل حاجة و بينكم هدف مشترك كدة ده اسمه شبكة يبقى تمثل الشبكات (مجموعات من الاشخاص او الاشياء المرتبطة ببعضها بينهم هدف مشترك) تمام كدة كدة نفهم ان الاجهزة الكمبيوتر مرتبطة مع بعضها مكونة شبكة لتبادل البيانات و المعلومات طيب تعالي ناخذ انواع الشبكات و ركز معايا علشان اسئلة الامتحانات

**\*\*الشبكة المحلية LAN :** احب اقولك دي شبكة متصلة بجهاز كمبيوتر واحد و الجهاز ده متصل بجهاز آخر او باقي الاجهزة مثل الطابعة او الراوتر (جهاز التوجيه) مثلاً و موجودة في المباني و المدارس و المكاتب و معمل المدرسة و المؤسسات و كدة

**\*\*شبكة الانترنت Internet** دي شبكة بقي بتتصل بجميع اجهزة الكمبيوتر من جميع انحاء العالم ال احنا شغالين عليها دلوقتي سواء كان بسلك نت Ethernet او لا سلكي Wi-Fi و طبعاً علشان تشغل نت لازم بوابة Gateway يعني المكان ال يوصلك النت زي الراوتر ال Wi-Fi (جهاز التوجيه) و الراوتر ييربط جهاز الكمبيوتر بمزود الخدمة الانترنت ال ISP ال هي الشركة ال موصلة النت لغاية عندنا تمام

**\*\*البوابة Gateway** هي وسيلة للوصول الي شئ ما (للدخول للنت)(ركز ف المصطلح سؤال امتحان)

**\*\*الشبكة العنكبوتية العالمية WWW** دي بقي جزء من شبكة الانترنت INTERNET يعني اي موقع تفتحه هتلاقي في اوله كدة ف العنوان ال WEB ADDRESS ال هو الرابط ال هو ال LINK كلمة WWW بمعنى انها تتكون من صفحات ويب يعني مواقع يمكن تتصفحها او التنقل بينها و يوجد عليها بنك المعرفة المصري و مجاناً لجميع المصريين

**\*\*الانترانت INTRANET** دي بقي عكس ال INTERNET شبكة الانترنت لانها محمية و شبكة خاصة بس ال بيفتحها اشخاص معينين فقط مش زي الانترنت ال INTERNET بيفتحها كل الناس العامة تمام لا دي خاصة و محمية يعني آمنة مش زي الانترنت INTERNET و بيغلوها اشخاص تربطهم عمل او مدرسة او مؤسسة معينة زي الشبكة المحلية ال LAN بس الفرق بين ال INTRANET و ال LAN ان ال LAN جهاز واحد متصل بالنت و متصل بجهاز آخر او باقي الاجهزة اما ال INTRANET اجهزة متصلة ببعضها بالنت تمام كدة

طيب اكد عرفت الفرق بين الشبكة المفتوحة OPEN NETWORK و الشبكة المغلقة CLOSED NETWORK :

المفتوحة ال هي شبكة الانترنت INTERNET للجميع اما المغلقة لعدد معين من الاشخاص و دي الانترانت INTRANET مثل الشبكة ال فمعمل الكمبيوتر و تحتوي ع اجهزة كمبيوتر متصلة ببعض عن طريق اسلاك CABLE لمشاركة الملفات علشان محمية و ملفات تكون محمية وهنا ناخذ مصطلح السلك CABLE هو موصل طويل ينقل البيانات او الطاقة بين الاجهزة مثل سلك الايترنت

آخر حاجة لازم نعرفها هي معلومات عن تطور الشبكات في القرون الماضية :

80s الثمانينات : الاتصال بالنت كان عن طريق التليفون الارضي Dial-up Internet Connection عن طريق ارقام خدمة يفتصل بيها لو فاكس زي 07775000 و هكذا حتي كنت تلاقي اعلانات عن الارقام دي في الشوارع بس ده كان زمان بس مكش ينفع تستخدم التليفون و النت شغال تلاقي مفيش حرارة كدة او مشغول يعني تشغل نت بس من غير مكالمات بس النت بطيئ و لكنه ثابت

اواخر الثمانينات late 80s : كان في خط المشترك الرقمي DSL وصلة كدة بس سرعة عالية زي سلك الايترنت ETHERNET و جهاز MODEM و كان ينفع تشغل التليفون و الهاتف في نفس الوقت عادي جداً يعني نت و مكالمات

90s التسعينات : ظهرت الشبكة العنكبوتية العالمية WWW اختصار ل World Wide Web و دي قولنا انها مجموعة من الصفحات المرتبطة مع بعضها البعض بواسطة الارتباطات التشعبية ال هي الروابط العناوين يعني

2000+ : ظهرت بقي ف العصر الحالي اجهزة ال WIFI وبقي ينفع ندخل من التليفون المحمول ال هو التليفون الذكي و ظهرت ايضاً نقاط الاتصال ال HOTSPOT يعني تفتح نت مثلاً بيانات هاتف و تعملك شبكة خاصة بيك اي حد يفتح بيها تمام

اوعي تكون مركز تش ع ال بالاحمر اهم حاجة تفهم و تكون فهمت كويس اووي ال يهمني بقي تحل ازاى ف الامتحان وده هسهلهولك ان شاء الله

يلا بينا

تحليل اهم اسئلة الامتحانات ع الدرس الثالث

\*\* ..... هي ربط جهازين كمبيوتر او اكثر لتبادل البيانات و المعلومات واجهزة اخري مثل الطابعة

الشبكة المحلية LAN

## الشبكة العالمية WAN

## الانترنت

**##** طالما ربط جهازين ببعض او جهاز باجهزة اخري يبقي LAN انما WAN دي شبكة لاسلكية هوائية يعني اما الانترنت شبكة خاصة محمية بين اجهزة كمبيوتر و بعضها برده و زي ال LAN

\*\* ..... هي شبكة تقتصر علي مجموعة اشخاص الذي يربطهم عمل او مؤسسة ما

## الشبكة العالمية WAN

الانترنت INTRANET

## الانترنت INTERNET

**##** قالك شبكة خاصة و مجموعة اشخاص مش للجميع يعني وفي عمل او مؤسسة يبقي انترنت INTRANET اما الانترنت INTERNET و ال WAN دول للجميع و في اي مكان فالعالم

\*\* ..... هي اجهزة كمبيوتر متصلة عن طريق اسلاك للسماح بمشاركة الملفات مثل معمل الكمبيوتر

## الانترنت

## الشبكة الواسعة

الشبكة المغلقة

**##** احب اعرفك ان الشبكة الواسعة المدي دي ال هي ال WAN ودي لاسلكية هوائية يعني زي ال WIFI تمام انما طالما في اجهزة كمبيوتر متصلة ببعضها يبقي في شبكة مغلقة تمام و مثال زي الانترنت

\*\* من الشبكات المغلقة .....

## الانترنت

## WWW

LAN

**##** LAN مغلقة علشان بين اجهزة كمبيوتر و بعضها اما ال WWW و الانترنت مفتوحة للجميع

\*\* ..... هي وصلة ذات سرعة عالية تستخدم اسلاك الهاتف للاتصال بالانترنت

## WWW

DSL

## الطلب الهاتفي

**##** طالما وصلة و سرعتها عالية يبقي DSL زي سلك الايثرنت كدة اما الطلب الهاتفي الاتصال بطيء و ثابت و ال WWW شبكة مفتوحة

\*\* تعتبر الشبكات الموجودة بمعمل الحاسب بالمدرسة شبكة .....

عنكبوتية محلية لا شيء مما سبق

## عنكبوتية WWW مفتوحة للجميع و في كل مكان اما ال ف المعمل محلية و مغلقة تمام LAN يعني

\*\* ..... يحتوي علي كثير من المعلومات في كثير من المجالات و متاح بالمجان لجميع المصريين

بنك المعرفة المصري سلك الايثرنت التجارة الالكترونية

\*\* ..... هو جزء من الانترنت و يتكون من صفحات ويب يمكن التنقل بينها

WWW LAN كل ما سبق

\*\* ..... هي الوسيلة للوصول الي شيء ما (لتوصيل النت بجهاز الكمبيوتر)

الانترنت بوابة Gateway الشبكات

\*\* يسمح ..... باستخدام الهاتف و الانترنت في آن واحد

خط المشترك الرقمي DSL الاتصال بالانترنت عبر الهاتف الشبكة العنكبوتية

## قولنا ان وصلة ال DSL سريعة و ينفع نستخدم الهاتف و الانترنت في نفس الوقت اما الاتصال بالانترنت عبر الهاتف ال DIAL UP ده بطيء و مينفعش نستخدم الاتنين مع بعض

\*\* ..... هو موصل طويل ينقل البيانات او الطاقة بين الاجهزة

السلك CABLE الراوتر البوابة

## السلك اكيد موصل مثل سلك الايثرنت اما الراوتر ده بنوصل فيه السلك علشان نشغل النت و البوابة دي هي الممر للدخول للنت و بيكون لها رقم رئيسي IP و كل مستخدم ع النت له رقم IP تمام

\*\* شاعت اجهزة ال **WIFI** في .....

**2000 و ما بعدها**

تسعينات القرن الماضي

ثمانينات القرن الماضي

## احنا قولنا ف الثمانينات كان الاتصال عبر الهاتف بس بطيء و التسعينات كانت الشبكة العالمية WWW و ال 2000 و ما بعدها حتي الآن يعني WIFI و نقطة اتصال HOTSPOT

\*\* تم ظهور ..... في **اواخر الثمانينات**

الانترنت

**الخط المشترك الرقمي**

الهاتف المحمول

## الخط المشترك الرقمي اكيد ال DSL مفيش غيره ف الاجابات اما الباقي ملهوش علاقة

\*\* تحتوي شبكة ..... علي كم هائل من المعلومات

المدرسة

المعرفة

**الانترنت**

## الانترنت اكيد



تحليل اهم اسئلة الامتحانات عالدرس الثالث لغات

**\*\* Your School's computer lab is a ..... Network**

**\*\* معملك الكمبيوتر الخاص بك يستخدم شبكة .....**

open

closed

wan

**## عرفنا ان معمل الكمبيوتر او معمل المدرسة او مبني او كدة بنستخدم شبكة مغلقة closed تمام اما ال open دي زي ال Internet و ال WWW ودي للجميع**

**\*\* The Internet is ..... network**

**\*\* الانترنت شبكة .....**

open

closed

lan

**## الانترنت Internet,www شبكات مفتوحة open اما ال lan,Intranet شبكات مغلقة closed**

**\*\* To connect your computer to the network you need a .....**

**\*\* لاتصال جهاز الكمبيوتر الخاص بك بالانترنت تحتاج الي .....**

gateway

lan

int

**## اكيد علشان ندخل ع النت لازم بوابة للدخول كممر يعني ولها رقم IP رئيسي وكل مستخدم له رقم**

**\*\* WWW is short for World Wide Web (✓)**

**\*\* WWW اختصار ل World Wide Web (صح)**

**\*\* ..... are groups of people,or things,that are connected to each other for a common purpose**

**\*\* ..... مجموعة من الاشخاص او الاشياء متصلة مع بعضها البعض لهدف مشترك**

Computer

Network

Gateway

**\*\* The ..... contains a huge amount of information**

data

internet

school

**\*\* ..... تحتوي علي كمية هائلة من المعلومات**

### تحليل و فهم الدرس الرابع

احنا خدنا الشبكات خلينا ناخذ استخدامها بالنسبة للافراد اولاً وبعدين المؤسسات نبدأ بالافراد استخداماتها ايه؟؟ مثلاً ننزل مقطع فيديو تمام ايه ثاني ناخذ دروس عبر الانترنت و شراء شئ ما عبر الانترنت برده تمام حلو قوي كل ده نقدر نعمله من خلال النت ممكن نبيع رسائل نصية ممكن نشغل تطبيقات (برامج) بالنسبة للمؤسسات بقي هنشارك المعلومات طالما فيه شبكة اعرف ان احنا بنشارك المعلومات و البيانات والملفات و كدة بس هحب اقولك حاجة بقي انت عارفها مش احنا عندنا شبكة مغلقة Closed Network و شبكة مفتوحة Open Network انهي واحدة ال هتكون المشاركة فيها خاصة والثانية عامة انت اكيد عارف ابوة صح تمام المغلقة علشان محمية و خاصة واكثر امان فاكيد المشاركة خاصة و العامة للجميع المشاركة فيها عامة ولكن اقل امان تمام كدة انا بس حابك تفهم لك معلوماتين من الكلام ده بس مش اكرر

انترنت الاشياء (IoT) Internet Of Things يعني عندك مثلاً في بيتك اجهزة يمكن الاتصال بالانترنت و تتحكم بها عن بعد وانت في مكان بعيد و ده عن طريق ال Wi-Fi يبقى نقدر نقول ان الادوات المنزلية جزء من شبكة ايضاً

زي ايه تعالي ناخذ امثلة مكبرات الصوت البلوتوث Bluetooth Speaker هتقولي ايه دي هقولك انت عارفها دي السماعات الكبيرة الصب ال بتشغل عليها فلاشة مثلاً او ميموري كارد و بتسمع بها اغاني او مهرجانات او اي حاجة مثلاً فانت بقي بتشغل البلوتوث ع موبايك و بتشغله فالسماعة و بتربط بينهم زي شبكة كدة و بتشغل ال انت عايزه فانت فاهم الكلام ده و عارفه

عندك كمان مثلاً الثلاجة الرقمية و الغسالة الرقمية ال بتشغلها و بتطفيها عن طريق تطبيقات الموبايل ركز معايا فمصطلح البلوتوث Bluetooth (سؤال امتحان) (اختر او صح و خطأ) (هتشوف فالاسئلة) تقنية شبكية تربط الاجهزة المحمولة اللاسلكية عبر مدي قصير لتشكيل شبكة لنقل البيانات عبر الاجهزة

الشبكات ساعدت ذوي الهمم (ذوي الاحتياجات الخاصة) علي توفير المال والوقت وزيادة ثقتهم بنفسهم و كمان زيادة معرفة المعلومات عن طريق بنك المعرفة المصري EKB و كمان التسوق عبر الانترنت مع الخصوصية الرقمية يعني الامان وانت بتدخل معلوماتك الشخصية و تساعد ضعاف البصر علي ايه بقي اداء واجباتهم المنزلية عبر النت و استخدام قارئات الشاشة Screen Readers للحصول علي ردود فعل صوتية و للقراءة بطريقة "برايل" و للوصول الي المستندات عبر جهاز الكمبيوتر

الخصوصية الرقمية Digital Privacy : اتخاذ معايير (قواعد) الامان عند اعطاء معلوماتك الشخصية الموقع الالكتروني : مجموعة من الصفحات علي النت لها اسم معين (كل موقع له اسم معين عنوان يعني) التجارة الالكترونية : من اسمها (بيع و شراء البضائع و الاغراض عبر النت) التسوق عبر الانترنت : شراء الاغراض عبر الانترنت بس لازم تأخذ اذن والدك الاول قبل الشراء ليه؟؟ ليكون مثلاً خدعة و تدفع ع الفاضي و ينضحك عليك و ميوصلكش حاجة لغاية عندك سرقة يعني

تحليل اهم اسئلة الامتحانات ع الدرس الرابع

**\*\* البلوتوث هو شبكة** تربط اجهزة المحمول عبر مدي ..... لنقل البيانات عبر الاجهزة

**قصير** متوسط طويل

**## قصير** اكد لان البلوتوث لو رحت ف مكان بعيد مش هتلاقي الاجهزة القريبة منك تمام

**\*\* البلوتوث هو** ..... شبكية تربط بين الاجهزة المحمول عبر مدي **قصير**

قارئات الشاشة تطبيقات **تقنية**

**## تقنية** اكد مش تطبيق او قارئات الشاشة

**\*\* يمكن** ان تكون الادوات المنزلية جزء من .....

**انترنت الاشياء** ekb audio feed back

**## انترنت الاشياء** اكد علشان جزء من شبكة اما ال ekb بنك المعرفة المصري للمعلومات اما audio feed back دي ملهاش علاقة خالص

**\*\* ..... تتكون من اجهزة متصلة بالانترنت عن طريق ال WIFI** يمكنك التحكم بها سواء كنت في الغرفة نفسها او في مدينة اخري

**انترنت الاشياء** البلوتوث الموقع الالكتروني

**## انترنت الاشياء** علشان بتتصل بالانترنت عن طريق ال WIFI بتكون شبكة يعني تمام

**\*\* ..... شراء** اي غرض من الانترنت ولا بد اخذ الاذن من الوالدين قبل الشراء

الموقع الالكتروني **التسوق عبر الانترنت** قارئات الشاشة

**## بتشتري** من النت يبقي بتسوق اكد يعني

\*\* ..... تساعد ذوي الهمم علي زيادة مستوي ثقتهم بنفسهم

الطابعات

الآلة الحاسبة

الشبكات

\*\* يستخدم ذوو الهمم ..... في اداء واجباتهم المدرسية عبر الانترنت

قارئ الشاشة وطريقة برايل

التليفون المحمول والتابلت

البلوتوث والشبكة

## اكد قارئ الشاشة وطريقة برايل علشان يكتبوا اما الباقي ملهوش لزمة بالسؤال خالص

\*\* مكبر الصوت الذي يعمل بتقنية البلوتوث مثلاً علي .....

استخدام جهاز آخر

الشبكات المغلقة

انترنت الاشياء

\*\* تساعد قارئات الشاشة ضعاف ..... علي القيام بكل ما يحتاجونه علي جهاز الكمبيوتر

الانترنت

السمع

البصر

## البصر اكد علشان هما مش بيشفوا ف بييساعدهم عن طريق تطبيقات بواسطة الصوت واللمس  
(نظام برايل)

\*\* OPEN NETWORK هي تقنية شبكية تربط اجهزة المحمول عبر مدي قصير (خطأ)

## ده البلوتوث اما ال OPEN NETWORK دي شبكة مفتوحة

\*\* تساعد شبكة الانترنت ذوي الهمم بالتسوق من خلال (التجارة الالكترونية الشاشة الملف)

## التسوق يبقي تجارة الكترونية

\*\* التكنولوجيا التي تربط الاجهزة المحمولة اللاسلكية عبر مدي قصير لتكوين شبكة تسمى .....

انترانت

شبكة الاتصالات العالمية

بلوتوث

تحليل اهم اسئلة امتحانات عالدس الرابع لغات

**\*\*** The technology that connects wireless mobile devices over a short range .....

**\*\*** تقنية او تكنولوجيا تربط الاجهزة المحمولة اللاسلكية عبر مدي قصير .....

Bluetooth

WWW

Intranet

**##** لما تلاقي كلمة short range اختر Bluetooth ع طوول من غير تفكير

**\*\* Bluetooth is a network technology that works over long ranges (X)**  
**\*\*** البلوتوث هو تقنية شبكية تعمل عبر المدي الطويل (خطأ)

**##** القصير Short اكيد

**\*\* Braille makes it more difficult to read for people of determination (X)**  
**\*\*** طريقة برايل تجعل القراءة اكثر صعوبة بالنسبة ل ذوي الهمم (خطأ)

**\*\*** ..... helps visually impaired do everything need to do  
**\*\*** ..... تساعد ضعاف البصر ليفعلوا كل شيئ يحتاجونه

Screen Readers

Internet Of Things

**##** ضعاف البصر visually impaired محتاجين قارئات الشاشة Screen Readers

**\*\*** ..... Consists of devices linked to the internet via wifi  
**\*\*** ..... تتكون من الاجهزة المتصلة بالانترنت عبر ال wifi

Screen Readers

Internet Of Things

**##** انترنت الاشياء IoT دي اجهزة متصلة عبر ال WIFI مكونة شبكة تمام

تحليل و فهم الدرس الخامس

**المشاكل و حلها : Troubleshooting** دي للمساعدة في حل مشكلات الكمبيوتر ( سؤال امتحان)

علشان نحل اي مشكلة لازم نمشي ع خطوات محددة طيب الخطوات دي تعرفها بالترتيب يعني الخطوة رقم كام علشان الاخر و الصح و الخطأ تمام بس كدة

1 تحديد المشكلة2 التفكير في طرق مختلفة لحل المشكلة و التخطيط لها3 دراسة الحلول المحتملة للمشكلة4 اي الحلول نجحت؟؟5 اذا لم توصل لحل استعن بمعلمك او احد افراد الاسرة

نلخصهم بسرعة كدة الخطوة الاولى نحدد المشكلة الاول وبعدين فالثانية نفكر في طرق لحلها و الثالثة ندرس الحلول ال هتتفع فحلها نجرب الحل و كدة و الرابعة نشوف ايه الحل ال نجح معاها والاخيرة بقي لو متحلش استعن بمدرسك او اي حد من عائلتك

تعالى ناخذ مشكلات الكمبيوتر و حلها و هما 4 مشكلات و هسهلمك ان شاء الله بس ركز ضروري جداً علشان اسئلة امتحانات اختر و صح و خطأ اعرف الحلول اهم حاجة بعد التفكير

1 بطاء جهاز الكمبيوتر عند فتح احد التطبيقات

الحل : لو التطبيق بطيء نعمل ايه فكر معاها كدة ؟؟ اسهل حل نقفله و نفتحه ثاني تمام ده حل هات حل ثاني لو ده منفعل نعمل ايه ؟؟ نحدث التطبيق و التطبيقات الاخرى المرتبطة به اللازمة لتشغيله ايه ثاني ؟؟ نحذف التطبيقات الغير مرغوب بها ال ملهاش لزمة يعني تمام كدة

2 محرك البحث يعمل ببطء

الحل : محرك البحث ده بيشتغل بالنترنت يبقى نتأكد من الاتصال بال WIFI و نتأكد من تحديثات التطبيقات عالجهاز ممكن كمان نتصل بمزود الخدمة ISP ال موصلنا النت علشان يساعدنا

3 لا يوجد اتصال بالانترنت

الحل : نستخدم برامج لاكتشاف مشاكل النت ال WIFI و حلها تساعدنا يعني و التأكد من ان جهاز الراوتر (التوجيه) متصل و اعادة تشغيل الراوتر و نجرب سلك ايثرنت (سلك نت) جديد والاخيرة نتصل بمزود الخدمة ال ISP الشركة للمساعدة يعني

4 التحميل بطيء

الحل : اعادة تشغيل الكمبيوتر و الراوتر و نتحقق من سرعة الانترنت كل دي حلول ممكن نضيف مزود الخدمة يبقى صح برده ولا ايه علشان يساعدنا

تحليل اهم اسئلة الامتحانات ع الدرس الخامس

**\*\* حل مشكلة بطء التحميل .....**

التأكد من سرعة الانترنت      ازالة التطبيق الغير مرغوب بها      تحديث التطبيق

# ال له علاقة بالنسبة الى اختاره بطء التحميل الانترنت يعني الانترنت بطيء يبقى نتحقق من السرعة

**\*\* عندما لا يوجد اتصال بالانترنت**

تأكد من ان جهاز الراوتر متصل      ازالة التطبيقات الغير مرغوب بها

## زي ما قولتك ال له علاقة بالنسبة الى اختاره الراوتر بيوصل نت يبقى نتأكد منه تمام كدة

**\*\* اولي خطوات حل المشكلات**

تحديد المشكلة      دراسة الحلول المحتملة      التفكير في طرق مختلفة

## نحدد المشكلة اكيد دي اول خطوة اما التفكير دي الثانية و نشوف الحلول دي الثالثة

**\*\* سبب ان الانترنت المنزلي لا يعمل**

لا يوجد مساحة كافية      مساحة التخزين الرسومات غير كافية      انقطاع الاتصال

## ال له علاقة بالنسبة الى اختاره الباقي اسباب لعدم وجود مساحة للتخزين اما انقطاع الاتصال للانترنت

**\*\* تستخدم ..... للمساعدة في حل مشكلات جهاز الكمبيوتر**

Lan      Router      Troubleshooting      CPU

**\*\* في حالة محرك الانترنت يعمل ببطء نتحقق من اتصال WIFI (صح)**

**\*\* حذف بعض التطبيقات الغير مرغوب بها يؤدي الى سرعة الجهاز (صح)**

**\*\* يمكن حل مشكلة محرك البحث يعمل ببطء عن طريق الاتصال بمزود الخدمة (صح)**

تحليل اهم اسئلة الامتحانات عالدرس الخامس لغات

\*\* In the steps to solve the problem , the second step is .....  
 \*\* في خطوات حل المشكلة تكون الخطوة الثانية هي .....

thinking about ways to solve identifying the problem studying solutions

## الاولى تحديد identifying اما الثانية التفكير thinking و الثالثة تجربة الحلول studing

\*\* The problem solution of slowing download is .....  
 \*\* حل مشكلة بقاء التحميل .....

check internet speed delete unwanted app update the app

## ال له علاقة بالنسبة اختاره ع طول عندك كلمة download تحميل يبقى internet فالاجابة

The reason of your home internet connection is not working is ..... \*\*  
 \*\* سبب انقطاع الانترنت المنزلي .....

not enough space not enough graphic storage connection interrupted

## ال له علاقة بالاتصال بالنسبة اختاره غير كدة الباقي ملهوش لازمة له علاقة بالمساحة التخزين فقط  
 عندك internet connection اختار connection interrupted انقطاع الاتصال تمام

\*\* if there is no internet connection  
 \*\* عندما لا يوجد اتصال بالانترنت

check the router is connected delete unwanted apps

## اتصال الانترنت internet connection لازم تتأكد من الراوتر اختر router فالاجابة



تحليل و فهم الدرس السادس

محتاجين ندور ع معلومات نجيبها منين هتقولي من خلال البحث في مكتبة المدرسة تمام صح  
 عندك كمان رمز الاستجابة السريعة QR CODE ده رمز كدة بيبقي موجود مثلاً في كتابك بتصوره  
بكاميرا الموبايل عن طريق برنامج او موقع كدة يحولك بقي ع رابط الموقع ال فيه الكتاب او الصفحة او  
 صورة مثلاً او تحميل الحاجة دي انت عارف الكلام ده اكيد  
 ممكن كمان تبحث ع شبكة الانترنت للبحث عن اي معلومة  
 ممكن من خلال البرامج التليفزيونية و المقابلات المباشرة

هتخزن المعلومات و نخزنها ع ايه ؟؟ عندك لتخزين المعلومات و مشاركتها نستخدم ذاكرة فلاش  
**FLASH MEMORY** ال هي الفلاشة تمام

بندخل الصور او الورق باستخدام الماسح الضوئي الي الجهاز يعني (من ورقي الي رقمي) و نستخدمها  
لاحقاً في اي وقت

عندك كمان الكاميرا الرقمية لالتقاط الصور و الفيديوهات و تخزينها

آخر حاجة هناخدوها هي ادارة الملفات علشان ننظم و نرتب الملفات لازم نخطها داخل مجلد و ممكن نقسم  
 الملفات دي داخل مجلدات فرعية يعني نعمل اكثر من مجلد فرعي داخل مجلد واحد رئيسي بيبقي شامل  
 كله

تعالى افهمك

لانشاء مجلد رئيسي اول حاجة نضغط بالزر الفأرة الايمن علشان تظهر القائمة و نختار منها الامر اللازم  
 لعمل المجلد بيبقي الزر الايمن للقائمة اما الزر الايسر ده للاختيار فقط معلومة ليك يعني تمام  
 بيبقي نختار الزر الايمن للفأرة علشان تظهر قائمة هتختار منها بقي الامر NEW وده يعني جديد و بعددين  
 هتظهر قائمة هتختار منها FOLDER وده يعني مجلد بيبقي نختار NEW FOLDER مجلد جديد ع  
 بعضها كدة تمام

يبقي الخطوات هي نضغط بالزر الايمن للفأرة ثم نختار NEW ثم نختار FOLDER تمام كدة  
 وزي ما قولنا نقدر نضيف مجلدات فرعية يعني كذا مجلد داخل مجلد رئيسي واحد يعني واحد و جواه  
مجلدات كثيرة و نخط بقي الملفات نقسمها داخل المجلد الصحيح يعني لازم عنوان اسم يعني لكل ملف و  
لكل مجلد و نقسمهم يعني ملفات الصور داخل مجلد الصور وملفات الصوت داخل مجلد الصوت و ملفات  
الفيديو داخل مجلد الفيديو و ملفات المستندات داخل مجلد المستندات

يبقي الملفات والمستندات داخل مجلد **DOCUMENTS**

الصور داخل مجلد **IMAGES**

الفيديوهات داخل مجلد **VIDEOS**

تحليل اهم اسئلة الامتحانات ع الدرس السادس

**\*\* يساعد ..... علي إدارة الملفات باستخدام تكنولوجيا المعلومات**

نسخ المجلدات

حذف المجلدات

إنشاء المجلدات

**## إنشاء المجلدات** علشان نخط جواهم ملفات يعني نقسم الملفات في المجلدات الصحيحة بيبقي كل مجلد له اسم معين لأنواع الملفات دي يعني الملفات و المستندات داخل DOCUMENTS وملفات الصور داخل IMAGES وملفات الفيديو داخل VIDEOS بيبقي ملفات الصور داخل الصور وملفات الفيديو داخل الفيديو و الملفات و المستندات داخل المستندات

**\*\* إضافة المجلدات الفرعية داخل الرئيسية غير مسموح في نظام التشغيل (خطأ)**

**## طبعاً تقدر تضيف مجلدات فرعية داخل المجلد الرئيسي**

**\*\* نستطيع ان نعطي اسم للمجلد بالضغط بالزر الايمن للفأرة و نختار إعادة تسمية RENAME (صح)**

**\*\* إعادة تسمية المجلد نختار الامر RENAME إعادة تسمية (صح)**

**\*\* إنشاء مجلد جديد نختار الامر NEW جديد (صح)**

**\*\* يمكنك إنشاء ملف من خلال الاختيار**

جديد NEW

مجلد FOLDER

فتح OPEN

**\*\* لفتح مجلد اختر**

جديد NEW

مجلد FOLDER

فتح OPEN

**\*\* يحتوي المجلد الرئيسي علي مجلدات فرعية و ملفات (صح)**

تحليل اهم اسئلة الامتحانات عالدروس السادس لغات

\*\* To change the title of a folder , select Rename Command (✓)  
\*\* لتغيير عنوان المجلد نختار الامر اعادة التسمية (صح) Rename

\*\* We can give a name to the folder by right click then rename (✓)  
\*\* نستطيع ان نعطي اسم للمجلد بالضغط بالزر الايمن للفأرة و بعدين نختار اعادة تسمية (✓) Rename

\*\* Adding Sub folder inside the main is not allowed by operating system (✗)  
\*\* اضافة مجلد فرعي داخل رئيسي غير مسموح علي نظام التشغيل (خطأ)

## قولنا يمكن اضافة مجلدات فرعية داخل رئيسي عادي جداً علشان ننظم و نرتب الملفات فمكانها  
الصحيح

تحليل وفهم الدرس السابع

اول سؤال ف الدرس هو شبكة الانترنت تحتوي ع كم ..... من المعلومات (ضعيف هائل بسيط)  
 ثاني سؤال من اهم الاستراتيجيات التي نستخدمها عند البحث هي  
 (التخطيط للبحث تحليل المعلومات التحقق منها كل ما سبق)

علشان نعمل بحث ف خطوات معينة لازم نمشي عليها تمام بس ركزلي ف ال هقولك ده سؤال امتحان

- 1 اختيار موضوع البحث لازم اكيد علشان نبحث نختار هنبحث ف ايه الاول صح؟؟ تمام كدة
- 2 نقسم الموضوع الي موضوعات فرعية اصغر لازم علشان نعمل بحث تقسمه لفروع (سؤال امتحان)
- 3 مشاركة المعلومات مع زملائك ف الفصل بنحدد فيها ايه المعلومات الناقصة مثلاً ف البحث
- 4 نعين لكل زميل معلومة يبحث عنها لازم مثلاً زميلان يدوروا ع المعلومة و يشاركوها و كدة
- 5 نحدد الكلمات المفتاحية Keywords للبحث عن الموضوعات الفرعية كلمات محددة مش جمل كاملة  
 علشان التسهيل البحث عن المعلومة (سؤال امتحان)
- 6 مشاركة النتائج ننسق و ننظم المعلومة علشان نعرضها في برنامج مثلاً PowerPoint كعرض تقديمي

ملحوظة (سؤال امتحان) من المفيد استخدام كلمات مختلفة لها معان متشابهة (صح) و ركزلي ع كلمة مختلفة دي علشان بتتغير مثلاً يقولك كلمات متشابهة لها معان مختلفة فخلي بالك بس تمام

يلا بينا ع الاسئلة يا برنس

تحليل اهم اسئلة امتحانات الدرس السابع

\*\* لا بد من اختيار كلمات ..... عند البحث (سهلة مفتاحية صعبة) # علشان سهولة البحث  
 \*\* يتم البحث من خلال محركات البحث مثل موقع ( جوجل ياهو كل ما سبق)

### محركات البحث ال بتساعدك ع البحث ع اي حاجة زي معلومة او موقع او اي حاجة انت محتاج  
 تبحث عليها تمام كدة بس اشهر محركات البحث وانت عارفه هو جوجل Google ف بقي محركات بحث  
 تانية زي ياهو Yahoo و بينج Bing ف محركات بحث تانية بس اعرف دوول معلومة ليك بس

\*\* اثناء البحث عن موضوع معين لا يجب تقسيمه الي موضوعات اصغر فرعية (خطأ)  
 ### علشان يسهل البحث و تعرف توصل له بسهولة ع طول

\*\* اخر خطوات اجراء البحث هي

اختيار الموضوع مشاركة النتائج تقسيم موضوع البحث

### اول خطوة هي اختيار الموضوع ده اكيد طبعا اما ثاني خطوة هي تقسيم الموضوع والاخيرة مشاركة

\*\* تحديد ..... هو اول خطوة عند البحث عن معلومات

موضوع البحث الملفات والسجلات قواعد البيانات

\*\* ينصح باستخدام جمل كاملة عند البحث عبر الانترنت (خطأ) ### لازم كلمات محددة لتسهيل البحث

\*\* من المهم التحقق من المعلومات التي يتم العثور عليها عند البحث (صح) نشوفها من مصدر موثوق ولا

\*\* الخطوة الاخيرة من خطوات اجراء البحث هي اختيار الموضوع (خطأ)

\*\* تحتوي شبكة ..... علي كم هائل من المعلومات وتكون مفتوحة للجميع

المدرسة المعرفة الانترنت

تحليل وفهم اسئلة امتحانات الدرس السابع لغات

**\*\* The first step in conducting a research is to**  
**\*\* الخطوة الاولى في اجراءات البحث**

*decide on keyword*

*share your results*

**decide on the topic**

## اختيار او تحديد الموضوع *decide on the topic* دي الخطوة الاولى *First Step* اما  
*decide on keyword* تحديد كلمات مفتاحية دي الخامسة والاخيرة مشاركة *share your results*

**\*\* You should divide the research topic into smaller topics (✓)**  
**\*\* يجب تقسيم موضوع البحث الي موضوعات فرعية اصغر (صح)**

**\*\* When searching online , specify ..... To search for subtopics rather than**  
**using large sentences or whole sentences**  
**\*\* عند البحث في الانترنت حدد ..... للبحث عن مواضيع فرعية بدلاً من استخدام الجمل الكبيرة أو**  
**الجمل الكاملة**

*Internet*

**Keywords**

## لازم كلمات محددة *Keywords* علشان تسهل عملية البحث و للوصول الي الموضوعات بسهولة

تحليل وفهم الدرس الثامن

**\*\*** يمكن انشاء مخطط او جدول لمشاركة المعلومات تمام يعني ينفع نعمل جدول او رسم بياني ببرنامج Excel لمشاركة المعلومات دي تمام كدة دي معلومة اعرفها علشان لو اتسالت فيها وجت صح او خطأ

انا كنت قولتلك علشان نشارك المعلومات انهي شبكة اكثر امان و انهي اقل امان لو فاكر؟؟ ها قول انت بقي طيب هقولك و اعرفهم ثاني علشان بيحوا ف الامتحان

تستخدم لمشاركة المعلومات وهي اقل امانا (الانترنت) الانترنت الشبكة العالمية المفتوحة  
تستخدم لمشاركة المعلومات وهي اكثر امان (الانترنت) الانترنت الشبكة المغلقة

وكنت قولتلك طالما مفتوحة يبقى اي حد ممكن يدخل الشبكة دي و يسرق المعلومات و كدة و يخترق البيانات ال هي الملفات و كدة اختراق يعني HACK اما لو مغلقة يعني محمية بكلمة سر و الملفات مشفرة مش من السهل انها تخترق اكيد فهمت

ترتيب المعلومات بشكل ابجدي ركز معايا ها هنمشي ع الخطوات دي اول حاجة هنختار من شريط الادوات ToolBar هنختار منه بيانات Data ثم فرز Sort السؤال هنا ازاى مثلاً عند فرز المعلومات، يمكنك اختيار Sort من قائمة Insert (خطأ) من قائمة Data يعني بالعربي كدة نختار البيانات ال هي ال Data و نعملها فرز او ترتيب ابجدي ال هو Sort

طيب احنا علشان نعمل معادلة مثلاً ف الخلية ال هي cell بنكتب او نضيف علامة = وده سؤال امتحان احب اقولك ان الخلية تتكون من اعمدة و صفوف طيب احب اعرفك الاول ان العمود بيشير الي الحروف و بيكون ف الاعلى بالطول يعني فوق العمود الحرف يعني كل عمود فوقيه حرف مثلاً A , B و هكذا و الصف بيشير الي الارقام و ده بيكون ع اليسار يعني الشمال مثلاً 1 و 2 و كدة طيب لما نيجي نسمي مثلاً هنبدأ بالعمود ثم الحرف مثلاً العمود A و الصف 2 يبقى الاسم كدة A2 وهكذا مثلاً العمود A والصف 1 يبقى A1 تمام كدة ده بس حبيت اعرفهولك علشان تعرف السؤال هيجي ازاى و سهل جداً ان شاء الله لما نجمع هنستخدم + و لما نطرح هنستخدم - ولما نصرب هنستخدم x و لما نقسم هنستخدم / هنشوف السؤال بيجي ازاى دلوقتي

سؤال بقي : تريد طرح القيم الواردة في الاعمدة E و C و A من الصف 9 نكتب الصيغة  

$$=A9 - C9 - E9$$

$$A9 + C9 + E9$$

$$A9 + C9 - E9$$

**##** اولاً = ودي ف الاجابة تمام وبعدين طرح يبقى نستخدم - وبعدين من الشمال العمود A ثم C ثم E و بعدين الصف 9 يعني كل حرف هياخد الرقم 9 يبقى كدة  $A9 - C9 - E9$  سهلة خالص اهي يعني تمام **##** ممكن يقولك مثلاً نريد جمع العمود A والصفوف 1 و 2 و 3 يبقى كدة مثلاً  $A1 + A2 + A3$  **##** يا اما يطلب منك مثلاً عمود واحد و صفوف مختلفة او صف واحد و اعمدة مختلفة تمام

تحليل وفهم اسئلة الامتحانات ع الدرس الثامن

- \*\*** باستخدام برنامج مايكروسوفت اكسل يمكن ترتيب المعلومات ابجدياً (صح)  
**\*\*** عند انشاء صيغة حسابية او معادلة حسابية يجب ان تبدأ بعلامة = (صح)  
**\*\*** يستخدم الانترنت في مشاركة المعلومات وهو اكثر اماناً (خطأ) ## الانترنت اكثر اماناً  
**\*\*** الخلية في برنامج اكسل يمكن ان تحتوي علي نصوص او .....

كل ما سبق

معادلات

ارقام

## الخلية ممكن نكتب فيها كل حاجة تمام

**\*\*** عند انشاء صيغة بسيطة نستخدم علامة ..... للطرح

( / )

(-)

( + )

## للجمع ( + ) و للطرح ( - ) اما للضرب ( \* ) و للقسمة ( / )

**\*\*** عند جمع القيم في العمود C و B و A من الصف 4 نكتب الصيغة $(A + B + C) * 4$  $C4 - B4 - A4$  $= C4 + B4 + A4$ 

## سهلة خالص اولاً لانشاء الصيغة لازم علامة = وبعدين نشوف جمع ولا طرح ولا ضرب ولا قسمة  
 و بعدين نشوف الاعمدة ثم الصف كل حرف له رقم يبقي كدة  $= C4 + B4 + A4$

**\*\*** لاضافة اي رقمين في EXCEL ، حدد الخلية و اكتب علامة

الاقواس ( )

يساوي =

الاقتباس

**\*\*** يوجد اعلي الاعمدة في EXCEL هي

كلاهما

الحروف

الارقام

## اعلي الاعمدة يبقي الحروف و يسار الصفوف يبقي الارقام

(مفتوح)

عام

(امان)

**\*\*** الانترنت هي اكثر ..... من الانترنت



تحليل اسئلة امتحانات الدرس الثامن لغات

**\*\* Typing ..... In the cell tells Excel you are creating a formula**  
**\*\* كتابة ..... في الخلية يخبر Excel بانك تقوم بانشاء صيغة**

=

-

+

**\*\* If you want to sum the values in columns A,B and C from row 4 the formula is**  
**\*\* تريد جمع القيم في الاعمدة A,B,C من الصف 4 تكون الصيغة**

$$(A + B + C)*4 \quad C4 - B4 - A4 \quad = C4 + B4 + A4$$

**## لانشاء صيغة لازم نبدأ ب = وبعدين نشوف جمع SUM ولا طرح Subtract ولا ضرب Multiply ولا قسمة Divide وبعدين نشوف الاعمدة Columns مثلاً عندك A , B , C و الصف 4 يبقى كل حرف هياخد 4 يبقى كدة C4 + B4 + A4 = تمام كدة سهلة خالص**

**\*\* The internet is used to share information through ..... Network**  
**\*\* الانترنت يستخدم لمشاركة المعلومات من خلال شبكة .....**

closed

local

world

**## شبكة عالمية world شبكة الانترنت internet اما الانترنت Intranet مغلقة closed**

**When you sorting information , you choose "sort" from insert menu (X) \*\***  
**\*\* عند فرز او ترتيب المعلومات ابجدياً ، نختار sort من قائمة menu (خطأ)**

**## sort from data menu نختار sort من قائمة data بيانات data نختار منها فرز sort**

**\*\* The intranet is used to share information through closed network and is more secure (✓)**

**\*\* الانترنت تستخدم لمشاركة المعلومات من خلال شبكة مغلقة وهي اكثر اماناً (صح)**

**\*\* The symbol + is the division sign (X)**

**\*\* الرمز + هي علامة قسمة (خطأ)**

Remember Me